



驅
豎
齋
詩
鈔

麟

洋学文庫
文庫 8
B 101
1



惠國山人像



肖像一〇

中林成業寫



驅豎齋詩鈔

順正書院藏版




漢程洋士隱士政少所之
先生作書名能說
却如比中一插注龍

原序

九方生碑題



序



先子涼庭先生不徒以
醫為業苟用心儒術
好交文學之士西窮肥
筑東及奧羽游道極廣
是以其詩文多得之於

應酬倉卒之際惟言
已所欲言毫不加追琢
其為人之磊落亦可以
見矣不肖貞亮奉侍
日淺不逮觀其壯年
志業之盛特覽其遺稿

陶朱若余交天下之士而未有見
年然以爲多也而又隆多子好
接文士不常渡能與詩是爲儒
林餘業世儒或能言或不能
言家以爲人而能之可見其才之
周也以其言之之多流砥流不爲源
輔和誅殺其老躬居余友之

余文翁曰淺水如淺之飲每以
公事為志已陸性空言託其
兄必沒其相款披曾錄出以
肝誦論不徒但事可法以理
事務學脈及其他未考古之
文詩也今通覽此稿文多剽切
詩多奇聲女不少濫作古事

於聲披陳之際於聲其面目於
紙上近世之安生之信今事
之多之法可以不信也

壬戌春王正月

伊勢抄卷之四十四

松井書



序

余嘗評沈庭翁謂鑿而儒山人而士大夫者其好陸王也西洋
第法而子漢經史修明觀志用
之學是紀學而儒在亦為陸終
所不仕而身入之亦國以陸論自
但是非山人而士大夫者其乎且

[Faint bleed-through text from the reverse side of the page]

其才本字微刻苦勤業夙以爲
所嗜於世四方未乞治多居以填
庭指入以爲而爲絳衣數名自
年儉舊遂致之若之富然積
而能教有陶者之風但生所
爲多使國用暇民亦能意田
建紳校未考其安費或有不務

想見其風采聊以慰追
慕之情焉耳頃日漁民
源濶二兄屬貞亮曰後
進子弟追慕先子如汝
者不鮮汝何不校理遺
藁以使子弟與寓目也

貞亮於是就稿中抄
錄詩文數百首以成四卷
請百峯一牧翁訂正併
加諸彙批評以付剞劂
嗚呼先子既逝雖不可
復見然其文字則精神

之所存故苟自追慕
先子者而觀之則尔
猶親接聲咳躬受教
誨但先子著書裨益
後進者甚多貞亮之
為此言不獨為斯編

費之

文久辛酉嘉平月

新官員亮撰并書



Faint background text, possibly bleed-through from the reverse side of the page.

驅豎齋詩鈔卷之一

貞亮

男

義悟

同校

登由良嶽

謙履動游興。崔嵬捫石攀。丹梯懸林杪。碧霧度巖間。
銀湧新晴海。藍流過雨山。莫愁雲沒路。天半駕虹還。
巳巳元旦

江口千家物色新。無邊草木映初晨。慈親膝下屠蘇
酒。不似多年客舍春。

人日偶成

牧百峰曰三四氣
厚態濃不陷時流
鐵巧
遠山雲如曰三四
初唐佳句

百峰曰二十八字
總自實際起筆是
為真詩

百峰曰第三鬼國翁一家語調編中累見然刪之亦失其本色

茅屋欣迎故國春。野羹七菜也嘗新。讀書胸內清如水。五畝田園堪養親。

春日賦似鄉人

短褐論交鬢未霜。風烟佳處度年光。京城山水春殊好。故友相逢如故鄉。

示中神琴溪

養榮腐語世流涎。驅毒快言誰著鞭。腐語快言渾一掃。只知實地順天然。

訪友人村居

旅裝侵曉入棗麻。林缺溪迴小徑斜。野水煙深村不

百峰曰真知獨見終身得力見于此

百峰曰如畫

雲如日乃是詞家本色語

見一雞鳴處認君家。

中秋遊水明樓

鴨綠一川月。燈紅萬點樓。清風吹細浪。三十六峰流。

秋夜下澗川

洲禽叫斷夜江空。月露風雲屬短篷。白是蘆花青是水。依稀沒骨畫圖中。

大坂覽古

豐公威武若雷轟。肉未全寒業已頽。十萬健兒雄似鷲。不支妖婦破堅城。

發大坂途中口占

百峰曰千古同歡第三或作十萬貌貅徒健在

小石種園曰君視
我家先人不在眼
可恨
貞亮曰先子時年
十八識見既如此
葉山鑑軒曰只願
此言之不虛

巖壘月洲曰阮亭
風調

生我者大塊。育我者慈親。已假乳哺德。長成七尺身。
恩深於滄海。寸分未報仁。張眼常苦學。蠖屈欲終伸。
京攝人寥落。關東誰絕倫。至道或埋跡。名家未必真。
寒暑一裘葛。跋山又涉津。衣錦非吾志。探勝讓他人。
願括青囊妙。醇乎更欲醇。全身及父母。又壽昇平民。
謁楠公墓

兵庫浦

誠忠明白日。版蕩暗黃塵。餘烈今存石。千秋磨不磷。
舟泊港頭檣似林。水風頻末覺秋深。一場客夢三更
雨。遠寺鐘聲缺月沈。

百峰曰歷卷之作

過平武州墓

松樹蒼蒼一徑分。白砂明處見孤墳。當年勇怯寧須
辨。忠孝兩全唯是君。

經一谷有感

維昔平氏古營壘。經年七百跡泯然。當時元帥無戰
略。獨恃崢嶸鍊朽巔。秋夜月明嘶良驥。春晝花紅酒
如泉。東兵如鷲一敵百。流血十里草木羶。熬管宴罷
眠未覺。一炬灰燼滿營煙。八歲天子付女手。鳳蹕豈
待彩鷁遷。此時舟中指可掬。安得一壺換萬錢。白旗
逐北張鵬翼。艤艦遙遁八島邊。西軍誰敢回馬首。只

月洲曰通篇記往
事結末一句舉日
前景餘意悠然

見紫駟美少年。沙汀投首泣敵將。孤墳留得官道前。
又見孝子死於敵。行旅揮淚停馬鞭。我今來此弔往
事。松濤瑟瑟愁暮天。

巖鳴

百峰曰二句盡巖
島景繁
月洲曰前聯可驚
俗眼我輩奇賞却
在後聯

名區知是小瀛洲。俯仰看來風景幽。偃水珠廊千尺
曲。挿空畫塔萬尋抽。雲端繚繞岡巒沒。月出玲瓏鳴
嶼浮。身在此中胸已豁。不須臨眺上層樓。

檀浦

海門秋老急潮鳴。細雨斜風愁暗生。欲弔平家禾黍
跡。渚煙中斷暮山橫。

月洲曰山人自道

詠菊示三輪敬節
奇姿傲秋色。逸趣背春陽。亭午風如麝。闌更月似霜。
海棠嫌媚態。芍藥欠清香。陶令真知己。休言是酒狂。

舟發下關

雲如日頗似山陽

片帆破浪五更風。水色遙遙接碧空。雲盡月明無一
粟。朝鮮鞞鞞小眸中。

箱崎謁八幡祠

沙白水藍環古祠。潮音松籟兩相宜。千秋若有威靈
在。萬丈驚濤鑿北夷。

太宰府謁菅廟

萬籟全收夜欲闌。松杉露滴客衣寒。忠魂不滅乾坤裏。明月清風滿玉欄。

佐賀浦夜泊

蘆花雨霽水雲清。海月秋高佐賀城。露冷蓬窓人未睡。唯聞寒蟹走砂聲。

名古屋覽古

豐公餘勇未全平。此地嘗屯百萬兵。物換時移花滿岬。有人隔水夜吹笙。

題長崎旅寓壁

絕域夷人來泊舟。海門波靜碧於油。月高瓊浦雲間

百峰曰合格
雲如曰青坪餘響

成花媚圓山柳外樓。猩髮迎涼水晶閣。虬髯賞雪鸚鵡裘。醫生此際無他願。獨喜方書新更優。

夢遊西湖

紫翠山妍水亦清。恍疑身在畫中行。蘓堤老柳模糊雨。林墓殘梅鬢鬢晴。楚客題詩才八斗。吳姬侑酒月三更。湖亭春夢誰驚破。門外漁人撒網聲。

歲晚

茅堂客去夜方深。燈下敢辭霜雪侵。為是讀書能適意。人間榮辱不關心。

送南京家裕婦清

月洲曰模糊彷彿
親切夢境
雲如曰以上二首
風調在倉山藏園
之間

月洲曰山人亦頗
有情与陶靖節賦
閑情一般

君愛扶桑風日宜。吾聞吳楚物光奇。飛帆萬里歸家
後。為寄江南梅一枝。

美人讀書圖

珠簾鬆几夕陽遲。閑帙何妨綠鬢歌。朗誦聲低知底
意。怕驚花上睡鶯兒。

聽子規

崖樹雲橫夜色蒼。天涯孤枕倚空牀。杜鵑啼過殘更
月。驚破家山夢一場。

夢宕山望唐山

秋老重巒萬木黃。西溟極目碧茫茫。紅輪沒水三尋

百峰曰雄豁

大。中見吳山細似鉞。

將發長崎示諸子弟

書劍幾年離故園。每逢搖落奈愁煩。此行不是鱸魚
想。家有慈親日倚門。

熊本謁加藤公祠

蕭寺城西北。鐘樓掛夕陽。樹喬飢鶻集。池古毒龍藏。
忠戰遭英主。武名轟絕疆。吾今來仰德。山色凜於霜。

歸家

千里歸來春正深。山河記舊易傷心。入門先見曾栽
柳。已覺翠烟長幾尋。

百峰曰所謂樹猶
如此之歎

百峰曰氣骨共足
不愧此題
月洲曰前聯得少
陵髓

除喪有作

門逕蕭蕭長薜蘿。幽窓坐到夕陽斜。一庭桃李任零落。忍見慈親手種花。

醫聖贊

碧眼明竒骨竦。學能洞術能神。海外仰君遺教。偉哉其業其仁。

題秋聲賦圖

風撼疎林月似銀。夜闌書閣四無人。一篇文字高千古。寫出秋聲妙入神。

除夕

幾年筆硯混京塵。賣藥生涯奈此身。却是窮陰閑暇好。爐邊暫作醉吟人。

乙酉元旦

一窓和氣意方舒。斟酒辛盤興有餘。客去茅堂初起課。梅花香裏讀唐書。

詠茶

露芽雪乳自天工。香味全存七碗中。若衲烹冰煉高偈。佳人醒酒出深宮。船頭吹火湖心月。簾外飄烟林下風。宜誦詩書宜靜坐。愛君解睡奏竒功。

古鏡

月洲曰風趣已佳又見力學

百峰曰鬼國先生亦作此等詩多諸生輩爭巧拙可怪也
雲如曰後聯用白描法

尤物韞光匣裡傳。永埋泥土綠如煙。千年風雨猶無恙。又照文人伴簡編。

美人圖

紅顏綠髮淡胭脂。宛似芙蓉出水姿。嬌態風前支不得。昭陽宴罷酒醒時。

鴨東涼棚

樓燈紅瘦樹奴煙。宴罷涼棚人未眠。風露沾衣天近曉。半輪殘月漾潺湲。

晚秋即事

鬼箭葉紅荷葉瘦。山茶花發菊花萎。一家籬落看消

雲如日誦罷口角生涼

雲如日自是違人之言

長。不怪人間有盛衰。

雪朝東山探梅

溪流金閃映朝暎。雪抹東山破眼昏。今曉何人先一着。梅邊早已印鞋痕。

壬辰元旦

簪纓不繫自由身。我是昇平鼓腹民。一縷竈煙過四十。煉丹香裏又迎春。

一氣陽和滿帝城。已聞竹外著新鶯。書生歲旦無公事。醉與家人說太平。

雙林寺途中作

百峰曰佳致

宿雨初晴暖似烘。菜花薰徹午天風。祇園祠外三義路。樓閣櫻雲掩映中。

仁和寺

亂松繞寺綠亭亭。中有山櫻風弄馨。知是隣棚著詩客。數聲吟詠隔花聽。

嵐山途中口占

擔頭唯紙筆。提挈妾兼妻。翠竹叢間寺。黃花堆裏蹊。塢深聞鳥語。雨近見雲低。未認嵐山面。囂埃望欲迷。

宿嵐山二首

奇松怪石翠嶙峋。瀟瀟溪流洗世塵。如此風光與人

看。可無好句報山神。溪灣客散歛紅塵。當面林巒綠正勻。留住吟筇一宵雨。水亭猶著惜春人。

嵐山歸路

輕衫短帽弄春暄。無事初知處士尊。一日徜徉如寸晷。天龍寺畔已黃昏。

送人還日向

南溟盡處是君家。送別驚看夏景加。莫道前程春已謝。阿蘓溪冷尚餘花。

謝甲斐生惠西瓜

談士常嫌舌本乾。投來雙臂愛甜酸。盆中剖得碧潭月。驅豎樓頭赤日寒。

八幡公畫像

名門將略孰為倫。弓矢斯張掃虜塵。遺胤綿綿護皇國。仰君武德耀千春。

源右府石橋山逃難圖

亂戰塵紅血作池。輕兵逐北急燒眉。仇家捐虜恩如母。老檜腹中安虎兒。

楠公像

精忠以傳子。大義不謀身。神國三千歲。美名歸一人。

篠崎小竹曰老字腹字自母字來

貞亮曰一讀使人凜然起敬

藤黃門楠中將對語圖

勲績中興誰比倫。高堂相對座無塵。談濃半夜酒如水。月照忠肝義膽人。

備後三郎題詩櫻樹園

妖氛無處不揚塵。紅日西沈天地曠。吐露丹心才十字。著鞭輦道一番春。

讀征韓偉略

揮日本刀屠虜兵。人膏赤染勾麗城。費勞百萬成何事。餘勇千年賣有贏。

加藤公像

百峰曰慣家調可想見其掀髯揮筆也

百峰曰合格
月洲曰奈其寄食
人家何

氣食萬牛功出群。豐公有眼早知君。雄風百代猶如
在。熊本城高勢入雲。

寄黃璞巖禪師

忙裏難攀波演那。紺園彩筆近如何。一聲高偈勝奇
藥。降伏狂生煩惱魔。

宇治納涼

勝區無溽熱。水閣午眠安。晚籟千松秀。長流六月寒。
魚肥宜斫鱠。麥熟也供餐。期買山堂住。林邱子細看。

謁璞巖禪師

地靈山秀水還深。月則焚香花則吟。竹杖時攀無染

小竹曰僧曰君其
問之風竹

境。轉機一語豁胸襟。紫髯狂漢氣難平。瘦骨高僧神更清。誰道空門無一
事。風過疎竹是何聲。

下殿川舟中作

遠巖渺渺月娟娟。半夜鐘聲枕上傳。賣酒船回人始
定。一川雲影水如天。孤篷月上水風頻。十里波光白若銀。獨與山妻憐此
景。滿船都是熟眠人。

題山中氏茶室

竹門迎客禮無遺。玉軸銅瓶也更奇。佳趣此中人倘

小竹曰此佳趣雖
山中氏富不能加

半點三四覺世名

問。清茶一碗酒醒時。

哭賴先生

連年肺疾素難醫。痛想先生咯血時。一燭熒熒風雨夜。壁間空見乞丹詩。

冬日過法隆寺

雨後丹楓拂彩霓。一叢崖樹晚鴉栖。禪關深被寒雲鎖。不是聽鐘路必迷。

宿山崎觀音寺

梵宮憑嶮峭。暮景少行人。竹裏寒留雪。梅邊氣近春。風高疑箭響。雲紫認兵塵。勝敗都無跡。虛空月一輪。

月洲曰前聯溫李妙境

山行

山村曲曲水聲囂。松檜交枝老愈喬。牧豎溪頭往來熟。跨將犢犢渡危橋。

登伊吹山

芒鞋竹杖著春衣。攀到半山九草稀。萬頃平湖如寸鏡。千峰脚底踏殘暉。

感懷

一根下種子。榮華四時春。彌陀果何物。包括天地人。樓閣高千尺。崢嶸壓城堙。翬飛輪奐美。阿房可為倫。華邸占鎮府。茶廢長荊榛。一姓優婆塞。相承欲無垠。

百峰曰僕屢過山下未得一登早被恨先生着一鞭為可恨

盤錯入肺肝。利斧用無因。腥羶人蟻聚。滌衣十丈塵。

讀朱子全書

孔門重仁義。釋氏貴慈悲。天地無非理。渾然不納私。生盡魄歸土。氣散魂升天。事死須如在。神來至敬前。

元旦試筆

布袴綿袍母所裁。雌雄双劍父遺財。門生八列家人五。圍繞辛盤酌一杯。

春日誌喜

滿陌軟塵朝氣暄。吟筇欲訪有梅村。病軀雖老猶堪喜。養得家兒非犬豚。

月洲曰句句實際毫無虛設是山人真面目

不令不修之阿

語丁酉十月。浪華市尹跡。部君庭上生靈芝。賦此奉祝。

天降陰雨賊乘時。疫鬼驅人歲又飢。官解如今無健訟。妖氛消盡現靈芝。

天保己亥三月。經營順正書院四首。

黌舍委塵七百年。誰將一瓣奉文宣。買林千頃人知否。不為兒孫問美田。

梵刹崔嵬壓帝畿。五金七寶闢羣飛。唯吾奉祀文宣聖。纔與軒岐分半扉。

借得書生鉛槧手。荷鋤負實拂荒榛。山僧勿突吾堂

百峰曰四首可以充書院記

小不納黃金丈六身。

偷閑日日涉鳧川。院在東山古寺前。雨笠晴巾常慣路。松梢閣露是南禪。

書院十二景

梅圃春風

春風過屋鬢髮髻。幾首詩成日未斜。孤榻掃塵人不到。梅花香裏獨烹茶。

春曉早鶯

月落山房曉色分。詩人春夢亂紛紛。梅花籬落無人語。竹裏新鶯欹枕聞。

韓中秋曰老鍊渾雅
雲如曰露作凸如何

百峰曰得意滿面

百峰曰三四妙在不合不離之間

曲塢躑躅

幾株娟娟紅壓枝。彩霞掩映讀書帷。野桃山杏皆奴跡。却喜此花春到遲。

幽篁夜雨

颯颯林風爽氣生。藤床石枕午眠清。從他新竹遮山月。要聽閑窓夜雨聲。

梧竹濃陰

午熱蒸雲金欲流。滿山雨過洗書樓。碧梧翠竹交加影。一榻清風氣似秋。

蓮池游魚

小溪瀼瀼拆成渠。流入園池水有餘。漾碧看看二三尺。栽紅蓮又放金魚。

北窓清風

風過書案拂心胸。山色入窗藍樣濃。婢辨晚食奴刈草。夕陽懸在最高松。

秋晴胡枝

聖經講罷兩三篇。心上曾無塵念牽。起喚清茶茶未到。胡枝花底午雞眠。

露庭蟲語

一庭蟲語露華濃。月掛門前百尺松。黃卷青燈人就

百峰曰可以為壓尾

睡愧他水碓徹明春。

楓林夕陽

家住孤村水竹中。逸籬紫萼映丹楓。坐翻周易童煎茗。一榻斜陽十丈紅。

書閣寒月

背山書閣夜焚膏。不管霜威透弊袍。心鏡斯時寫何物。一輪寒月萬松高。

枯林快雪

玻璃四面望無涯。古木寒鴉慶士家。不用銅餅煩凍手。玉壺光裏插梅花。

百峰曰亦是慣家調

庚子首夏將赴盛岡贈內

險疽侵肌骨欲枯。金丹養得氣初蘇。功名不朽平生志。馬革裹屍真丈夫。

欲出題壁

國主待吾亞上卿。丈夫肝膽自分明。細君臨別無他語。莫冒風寒貪路程。

過桶峽

原艸高低幾列營。疾雷掣雨是奇兵。英雄魂魄今何處。天籟猶成萬馬聲。

赤坂驛所見

靈如曰可謂靈雖
露穎
百峰曰似前九後
三從軍者之語

小竹曰結作蟲語
猶成鬼哭聲

沿路茅檐賣酒家。春風留客杜鵑花。干旄子子藩侯過。喝道聲中日欲斜。

又能山

萬仞石壇如上天。豆州一望淡含煙。小民唯覺威靈迫。古樹山寒聽急泉。

薩埵嶺酒店

芙蓉峰聳迫蒼穹。豆海東開水拍空。驛接漁家鱗介賤。酒香山店落暉中。

望岳

萬丈層冰白若銀。清風六月拂炎塵。如今東海十餘

百峰曰讀到落句
毛髮悚然

百峰曰何等抱負

馬皇言金卷一
國高潔似君能笑人。

二

獨拔芙蓉無比倫。羣山羅列小於皺。中天白雪三千
歲。不受人間半點塵。

三
驛原

七看此山神七驚。雲鬢雪臉曉分明。朝曦時裏紅霞
帳。正面迎人最有情。

過函關口占

絕險驚人百折盤。金湯舊跡駐筇者。飛雲拂面鬚眉
濕。老栢摩空肌骨寒。水有聲邊懸噴瀑。家無地處架

貞亮曰小於皺三字似未穩

百峰曰適為神州吐氣可以使沒眼

况愧死矣

百峰曰亦佳月洲曰忽而高士忽而美人文士筆端何其變幻之速

危巖。豐公大燾張天日。容得千兵萬馬寬。

小田原

東控八州形勢豪。湘江一帶是城濠。重門恃險無由
守。不及堯階三尺高。

酒勺川阻水

杜宇聲中山霧黃。海風送雨夜殊狂。滿川新漲行人
絕。水沒馬肩三尺強。

道中作

山重水複幾縈迴。客裏光陰駒隙催。五十三亭十餘
日。薔薇花落石榴開。

百峰曰至聖比狂童恐不倫

雲如曰不倫如妙

百峰曰渾厚老成不可與不識者共論

雲如曰又是青邱

江府旅寓作

雲如曰江戶光景
宛然在目
月洲曰一篇繁昌
記

越楮播塩河内綿。街衢無地不通船。權門貴邸人連
袖。去馬來車塵漲天。燈火萬樓光煜爚。市聲幾處響
喧闐。著花四望春如錦。日暖重城鎖瑞煙。

深川郎上少將盛岡侯

雄藩濟濟有名臣。太守嗜茹招小民。偏却甘腴通國
脉。更欣苦烈養精神。倘將碧玉為非寶。易解黃金不
療貧。遠冒山川獻斯語。寸心願作直言人。

月洲曰後聯本蓋
于化陳為勸

抵品川舟中

亂立危檣密似麻。娼樓櫛比水之涯。玻璃八面無纖

翳。海月天高百萬家。

六月奥州道中

輿窓十日下油帷。驛樹森森杜宇悲。盛夏如秋晴似
雨。鴨川知是納涼時。

百峰曰非慣旅行
者不能知此味

盛岡旅亭再上少將侯

天理討論無所遺。規模百代鬼神知。雄藩志士堅於
鐵。旅館游人閑對棋。為植良林除惡竹。要開大道塞
傍岐。君恩如雨令如火。千里封疆稻熟時。

月洲曰後聯所謂
直言者恐候左右
有側目者

發盛岡

邦君愛士意何長。驛吏郵官送客裝。極目平郊無限

喜稻花十里落暉香。

過高館有感

峻嶮覆窠窟。絕海用奇兵。馳突爭呼吸。疾雷擊無聲。
不共戴天敵。一掃宇內清。元龍又有悔。鬼神忌大名。
牝雞磨長喙。奸奴肩相并。彼輩何為者。阿兄沒人情。
斷脛終及臂。不怪走狗烹。渺矣五湖水。短舸載彼美。
見機古有人。寧謂非多智。我過高館村。云是九郎屯。
荒草無人掃。蕭蕭落照昏。興廢徒回首。逆旅一乾坤。
英雄空死處。何人不斷魂。槿花紅滿地。猶餘舊血痕。

松鳴

起句或作危機誰不驚絕海作鏡杼

月洲曰九郎公源家貴外第欲為范少伯可得乎

月洲曰巨觀入小詩難得如此超脫

松洲八百布如棋。造物費工奇又奇。五大堂前一痕月。長天與水碧琉璃。

塩竈

老栢森森遠古祠。幽深雖夏亦凄其。大鐺煮海千年利。火食神靈永不飢。
環水市樓飄酒旗。酣歌醉倒冶遊兒。山靈不秘佳風月。付與吾曹著好詩。

白石川有感

孤墳寂寂水為義。落日秋寒映淺沙。二女腕頭能碎鏡。勝他昏夜斫籬家。

月洲曰起手凄凉使動人意

喜連川

夾路東麻翠浣衣。田疇水足稻梁肥。蕭條籬落無人見。只有葵花頌夕暉。

岐嶺道中

雨餘嵐翠滴岩堯。百里山川詩料饒。幽院花開僧不見。怪巖苔古樹皆喬。隔雲斧響知林近。吼澗雷聲覺水遙。一路縈迴行未盡。有人家處架危橋。

過關原有感

誰將眾寡決雌雄。白旆飄揚敵已空。雨注桐章泥土污。霧晴金扇日光紅。骨寒戰血原頭艸。膽落奔雷山

月洲曰漸入佳境突然而止奇甚

月洲曰此等題目山人長技故筆鋒縱橫其得意處不減當日白旆

上風。洪業闕基天意在。攘除禍亂一麾中。

歸家

平生難得一旬閑。寒暑磨人鬢已斑。探盡詩囊聊自適。携歸東海幾名山。

偶成

學劍學書皆戲嬉。評詩評畫養狂痴。半生辛苦成何事。剗得胸中一點奇。

種西湖柳

拂草窓前手自栽。一株遠破巨濤來。不知風雨蘓堤曉。繫得吳船泊幾回。

百峰曰僕不知歲東遊亦不過此意耳

百峰曰養狂痴泛然百峰曰胸中一點奇又見後篇蓋這翁最得意處

舟發德島

春灣月落宿雲晴。一葉扁舟載夢行。鳴戶依稀天未白。煙中唯有急潮聲。

潮澗川

梅霖新霽綠陰鮮。山帶殘暉水帶煙。兩岸碧蘆長七尺。長堤十里没人肩。

吉野口占

山靜水鳴幽意多。梵宮隔竹倚嵯峨。櫻花十里春駘蕩。人自艷雲堆裏過。

癸卯暮春過鴨東

百峰曰如画

百峰曰聞至今日源花再盛往往多失路者使先生知之復發一浩歎矣

萬燈消盡月輪清。陌上無人水有聲。難趁劉郎前度路。仙源花落杜鵑鳴。

夏日少閒在書院讀陽明集偶賦此詩

京城無地避紛塵。蠹簡堆中寄此身。良智良能先在我。正心誠意豈須人。蘭雖經雨風如麝。蓮不污泥露似銀。糟粕嘗來何所得。卉花發處見天真。

題畫山水

崖崩石瘦薜蘿懸。松竹陰濃花欲燃。峰影參差雲縹緲。溪流屈曲水潺湲。柳灣漁舸携春酒。山寺粥魚思老禪。縮得名區不求遠。丹青自有洞中天。

百峰曰次聯為王氏學若極痛痒處

雲如曰合作

小竹曰温似春而後知雪之寒

本是西方不語人。打摧小果作微塵。少林夜雪寒侵骨。心悟契中温似春。

蘭亭圖

竹翠花紅水逸堂。湘簾日暖麝煤香。縱然此會無奇筆。千古風流醉一場。

淵明圖

無復風塵來撲顏。歸雲栖鳥與心閑。雖然曾守清於水。争及巢由不出山。

謝安圍棋圖

月洲曰好議論

大寇揚塵國事危。捷書到座發封遲。平生浩氣人初信。閑對尊前一局碁。

夏日偶成

迂拙生涯無險危。午窓眠足夕陽遲。莓苔經暑猶多綠。不似牽牛向日萎。

譯蘭書

論括乾坤理析釐。苦心讀得下毫遲。自哈五十餘年苦。只有窓前夜雨知。

夜坐

滿街塵斂夜凄然。枯坐蕭閑似老禪。莫笑三間茅屋

百峰曰抱負自見小竹曰三四可警人之奔競矣

或曰興千年既絕之大書院欲育天下之英才者非抱負如此則不能

小竹曰可與語浩
然之氣

小主人胸宇闊於天

舊居屋上新架層樓

欄干高架勢如抽。秋月春花望自由。不用登山勞勝具。全都風景屬吾樓。

甲辰秋日感時事有作

人間鬧熱去無痕。一院高眠冷似溫。窓對青松孤月寺。家隣紅葉夕陽村。詩書堆裏胸懷爽。勢利場中眼界昏。清世經綸密於網。艸茅何必奏危言。

一條相公。久我亞相公。辱臨東山書院。賦此奉

呈。

百峰曰集中詩係
書院者甚多唯此
一首可以籠絡之
月洲曰竊憂天下
事是山人之志也
結未蓋有微意

雲如曰自是唐詞

祖公偉業冠皇畿。青史千年仰德威。野草山花駐
文軒。金魚玉帶照柴扉。布衣何幸陪經席。台座不須
掛錦幃。和氣惠風春似海。寥寥籬落發光輝。

弘化二年乙巳三月十八日。與諸弟會於文阿

彌樓。

嗣子何幸非豚犬。有才折肱為良醫。圓生圓山宮子宮本

亦異器。文質彬彬可為師。允允碩大大交保慶西慶元元賀來周周多田

先進。惓惓信道氣不萎。南部國公明識鑑。記我宗宗八角

了了賢囊中錐。誰言左郎田中左一勤第一。柔吉後改雖弱亦

驥。松齋大野勉勸勁如弩。道碩福島論講不啻啻。入門

貞亮曰有此會後
每一年一會至今
不廢庶乎不墜家
聲但貞亮後進爾
時不蒙一字品目
是為遺憾

中秋日語從肺腑
出自覺天真爛漫

雲如曰香山遺響

有未升堂者。二十三名璞無疵。吾獲天章坐此上。昂
然自適然吟髭。夙學張吳中朱李。掃帚摸索下匙危。
扇鳴長崎之天崎陽海。研精只惜寸晷移。雪窓爐冷燈
徹曉。九歲墜得蟹文詞。陳腐餘涎稿盈筐。半生辛苦
蠹魚知。東山書屋披荆棘。賣藥戴星鬢如絲。形骸欲
枯何所得。胸中唯餘一點奇。汝輩勿學吾奇了。學奇
不奇易支離。望後三日暮春月。舉觴一日養狂痴。華
頂之南高臺北。和氣惠風日熙熙。櫻花萬點柳條亂。
亞字欄干夕陽遲。老妻少女隨吾後。酒杯肴盤布如
棋。我謠廿韵今誌喜。席上和者知是誰。人間豈有百

歲壽。明年亦勿愆佳期。

八月大津水亭奉候九鬼侯

滿路黃塵暑未收。清風獨上夕陽樓。旄尖不見君何
處。翠髻微茫天女洲。

石山旅亭

水風脉脉入欄干。臨眺此間心地寬。百尺高樓一痕
月。石山倒影碧流寒。

抵大津舟中作

煙雲晴盡大湖秋。萬頃澄波一葉舟。正是樂浪三五
夜。石山月上叡山浮。

登三井寺

寺俯大湖秋色寒。瘦藤倚遍石欄干。英雄幾度駐兵馬。不似閑人袖手觀。

贈彥藩中川生佩刀。係以此詩。

冰刃霜鋒光欲流。腰間六月冷於秋。不須風伯前驅力。斬却黑船紅髮頭。

應仙臺仲澤某索題釣雪圖。

此間應似富春灘。古木層巒暮雪寒。短舸閑收醫國手。石溪深處把長竿。

冬夜賦似六戶生

憂如日無限感慨

月洲曰句句溢美
羞殺仲景

爐邊收鐵硯。笕水凍無聲。窓紙梅花月。教吾心骨清。

藝藩三石澤君見惠自畫墨梅賦謝。

六月平安熱似煨。投來一幅墨寒梅。冰肌玉骨清風起。併領花香與麝煤。

題仲景先生畫像

正笏長沙守。裁冠司命魁。議論傳萬世。榮辱薄三台。可見濟生志。豈非醫國才。英雄或如此。事跡不須猜。

讀脾胃論

黃齋補虛如可疑。甘腴為積不難知。開花結實君應悟。培植靈根欲上枝。

百峰曰六首共出於其得力處故語語皆有餘味

詠藥物六首

大黃

人身小天地。腸胃起妖氛。塩石纔佐使。可無大將軍。

甘草

師德成人羨。蕭何不用謀。辛酸苦相鬪。魯肅和孫劉。

麝香

美香無惡德。清苦有良才。驅豎仰君効。誰言百藥魁。

硃砂精

汝無攻城策。又欠拆衝奇。唯此燒眉際。留侯躡足時。

阿芙蓉

天生斯白乳。能使人心灰。請看酩酊者。百邪不襲來。

水銀

梅根果何物。盤錯沁全軀。利斧世飛動。割裁跡欲無。

萬全痘歌

天花狼藉勢將狂。紅者留痕紫者僵。造物用心難理會。初茁嫩芽降嚴霜。天機何物洩奇秘。一根遙傳自絕疆。艾鋤惡艸下嘉禾。收穫赤豆與黃粱。疑者瞠目如木偶。種者抗顏熱中腸。粒粒聲價貴於玉。醫林開春夢一場。聞說賢主憐天札。今賜萬世活幼方。

月洲曰至今日本偶漸絕忙了散花手

驅豎齋詩鈔卷之一終

又

[Faint bleed-through text from the reverse side of the page, including characters like 少, 木, 不, 可, 辨, 有, 也, 無, 上, 下, 等]

